

宋真宗御製玉京集卷之三

宣三

謝皇子加恩表一道

玉皇

嗣天子臣某 誠感誠慶頓首頓首再拜

上言比者自天之祐下庇於本枝裂壤之封

獲頌於成命臣仰膺靈眷克盛帝國孺子勝

衣早憑丕蔭名邦祚土載峻寵章家邦之祉

實隆太紫之仁曷報惟思祗深慎守於慶基

庶洽升平用承於大造臣無任感幸激切之

至謹奉表稱謝以聞臣誠感誠慶頓首頓首

再拜謹言

為疏決刑禁表一道

天

嗣天子臣某 誠感誠慶頓首頓首再拜

上言伏念猥以眇冲撫茲億兆克隆繼體實

自降祥今以方屬長歲深傷繆繫將仰祈於

錫羨敢俯議於在寬是用躬臨各從原減異

延丕祐用保脩齡度仲祇告之誠恭佇成宜

之應謹奉表啓告以聞臣誠感誠慶頓首

頓首再拜謹言

迎奉聖像表一道

天

嗣天子臣某 誠感誠慶頓首頓首再拜

上言伏以答元命之符肇新於秘宇奉高真

之像已慶於成功僊馭遠迎中塗俯屆荷威

靈之所被故踐履之攸宜敢薦精兼用揚丕

貺益期介祉以慰後來臣無任瞻望激切之

至謹奉表以聞臣誠感誠慶頓首頓首再

拜謹言

謝立仗景色表一道

天

嗣天子臣某 誠感誠慶頓首頓首再拜

上言伏以恭紹帝國允膺天祐盛儀每舉純

嘏必臻比者幸屆元正言陳朝禮願來庭於

萬國承錫祐於三靈旭景合和輿情胥悅蓋

高穹之委鑿故景福以咸宜並勵黃泰用酬

保人臣無任感幸激切之至謹奉表稱謝以

聞臣誠感誠慶頓首頓首再拜謹言

謝皇后投冊表一道

天

嗣天子臣某 誠感誠慶頓首頓首再拜

上言伏念猥以眇軀紹茲寶命思隆內則用

訓多方今者妙選元妃俾臨中饋庶宗祏而

仰奉期風化而下流爰考今辰恭膺茂典緬

瞻霄極寶茂於福禧俯守瘡圖愈懷於祗慄

臣無任感幸激切之至謹奉表稱謝以聞臣

誠感誠慶頓首頓首再拜謹言

降聖節謝表一道

天

嗣天子臣某 誠感誠慶頓首頓首再拜

上言伏以早紆鸞駕俯降中闈親聽寶音緬

聞鴻階肇新令節用茂純禧今則羣屆首冬

復臨元日祺祥總至實顯於顧懷夙夜勸精

用承於保佑臣無任感幸激切之至謹奉表

稱謝以聞臣誠感誠慶頓首頓首再拜謹

言

冬至謝表二道

天

嗣天子臣某 誠感誠慶頓首頓首再拜

上言伏以建子之月復長之辰九域蒸黎克

降於祉福萬齡命歷益洽於延洪臣內顧眇躬紹膺丕構無疆之佑曲荷於鑒臨若屬之心益隆於致奉臣無任感幸激切之至謹奉表稱謝以聞臣某誠感誠慶頓首頓首再拜謹言

玉皇

嗣天子臣某誠感誠慶頓首頓首再拜
上言臣祇守成基顧勉涼德膺上穹之錫祐致率土之洽平今以冬律戒期天正協節九圖底定成被於福禧五稼順成同聞於疵蕩荷紫清之脫苑增夙夜之戰兢期益勵於撫綏用永康於生植臣無任感幸激切之至謹奉表稱謝以聞臣某誠感誠慶頓首頓首再拜謹言

年節謝表一道

天

嗣天子臣某誠感誠慶頓首頓首再拜
上言伏以三陽肇始萬彙咸新溥率來賓就脩於職貢照臨無外並洽於王正臣復紹慶靈誕膺保佑懷生之福既荷於昭彰報祝之

心愈增於祗懌臣無任感幸激切之至謹奉表稱謝以聞臣某誠感誠慶頓首頓首再拜謹言

謝聖祖降表一道

三清

嗣天子臣某誠感誠慶頓首頓首再拜
上言今月十七日十八日獲於夕寐得來靈期二十四日爰在禁庭肇紆馳駕丕休所集方冊未聞眇德載恩戰兢同措伏念臣紹承命曆臨撫烝黎夕惕靡忘夙興是念高穹之聽俯鑒於勵精率土之濱克諧於治定向者存頌秘籙恭辰上儀實愧冲人遽揚盛節比者九天司命天尊神遊預兆倦取下臻仰觀眸容俯聞寶訓清都景祐紛屬於有邦紫府高真誕恢於駿命此蓋三神介祉百福來同錫乃鴻禧彰于玄鑒敢不愈勤夙夜益務恪恭庶增祗懌之懷永報監觀之德臣無任感幸激切之至謹奉表稱謝以聞臣某誠感誠慶頓首頓首再拜謹言

上梁表一道

玉皇

嗣天子臣某誠感誠慶頓首頓首再拜
上言伏以向者元符申錫靖館肇營建寶閣之宏規奉靈文之秘檢僞工有漸層構爰成言屆今辰率陞巨棟俾殊猷而允集荷介祉之下昭益勸資恭用膺顧誕臣無任感幸激切之至謹奉表稱謝以聞臣某誠感誠慶頓首頓首再拜謹言

祈福表四道

聖祖天尊大帝

嗣天子臣某誠感誠慶頓首頓首再拜
上言伏以慶靈下浹肇啓昌圖祉福無疆實期丕蔭臣永惟眇質思獲純禧敢虔望於清都用恭禱於鴻應伏望誕彰景既以庇於家邦允勸精心庶安於海域臣無任精虔激切之至謹奉表奏告以聞臣某誠感誠慶頓首頓首再拜謹言

又

嗣天子臣某誠感誠慶頓首頓首再拜
上言伏以靈謀降鑒世德儲積昭積累之鴻

仁佑盈成之丕緒臣願惟眇質克紹慶圖祇
述精衷用祈鴻應伏望夤成克照祉福茂臻
彰景貺於九清保崇基於億載臣無任精虔
激切之至謹奉表奏告以聞臣某誠惶誠懼
頓首頓首再拜謹言

又

嗣天子臣某誠惶誠懼頓首頓首再拜
上言伏以長發之符克成於帝業不匱之孝
思集於天祺載念臣祗荷慶靈惠綏區寓將
析純嘏允勵精心伏望美應無疆祥徵丕顯
愈動繼服用報詒謀臣無任精虔激切之至
謹奉表奏告以聞臣某誠惶誠懼頓首頓首
再拜謹言

又

嗣天子臣某誠惶誠懼頓首頓首再拜
上言伏以帝國之盛實自於發祥道隆之隆
允期於降顧臣茂承丕緒思庇無疆祗叩玄
都庶諧有應伏望昭彰純嘏鑒佑下方愈極
夤成用承覆冒臣無任精虔激切之至謹奉
表奏告以聞臣某誠惶誠懼頓首頓首再拜

謹言

謝道場表一道

聖祖天尊大帝

嗣天子臣某誠感誠慶頓首頓首再拜

上言臣祗答降禎虔修法禁存隆字佑愈隆

精心慶五稼之順成仰懷丕蔭考九清之科
教用達至誠高明洞照於丹衷與寐益欽於
鴻應臣無任感幸激切之至謹奉表稱謝以
聞臣某誠感誠慶頓首頓首再拜謹言

五嶽觀祥具表一道

玉皇

嗣天子臣某誠感誠慶頓首頓首再拜

上言伏以列嶽儲祥中區是仰集靈建宇宏
構方新精感所通明徵斯顯表神之鑒佑
增人意之夤成內顧眇躬獲臻嘉應欽酬景
既倍勵素衷臣無任感幸激切之至謹奉表
稱謝以聞臣某誠感誠慶頓首頓首再拜謹
言

星見謝表一道

玉皇

嗣天子臣某誠感誠慶頓首頓首再拜

上言昨以祗謁檜庭欽崇於至道仰瞻珠緯
濬發於丕禎觀瑞彩於德星見祥徵於寶曆
太官飲至歲律未移霄極著明靈輝再觀穹
蒼垂祐溥率同和冲眇之軀存臻於福祉凌
兢之志愈切於繼承臣無任感幸激切之至
謹奉表稱謝以聞臣某誠感誠慶頓首頓首
再拜謹言

謝玉津園種成占城稻表一道

玉皇

嗣天子臣某誠感誠慶頓首頓首再拜

上言向者肅膺寶眷昭示嘉生自殊俗而結
根屆中區而提質可滋齊土足拒驕陽俾畎
畝之農民保倉箱之歲事爰居靈園肇伸播
植之功暨涉商秋允副順成之望洪惟景貺
茂集禎圖愈勵克恭奉承介祉臣無任感幸
激切之至謹奉表稱謝以聞臣某誠感誠慶
頓首頓首再拜謹言

謝降制立石表一道

玉皇

嗣天子臣某 誠感誠慶頓首頓首再拜
 上言伏以臣實愧眇躬獲膺寶命恩榮內治
 用訓中區必假問以言求冀柔儀而允務某
 氏早開今德風冠後庭將敷化於河洲俾正
 名於椒掖已頒明詔俯告外朝此蓋亨昊眷
 懷家邦集慶期茂揚於靈教庶祇奉於宗坊
 恭答景靈敢忘勵志臣無任感幸激切之至
 謹奉表稱謝以聞臣某誠感誠慶頓首頓首
 再拜謹言

謝景色表一道

玉皇

嗣天子臣某 誠感誠慶頓首頓首再拜
 上言伏以臣獲紹成基誕膺丕佑將興盛典
 必荷殊楨比者言舉舊章式宗中饋當外庭
 之誕告遽美應以來臻景物融和祺祥昭顯
 但內增於乾華用仰答於高明臣無任感幸
 激切之至謹奉表稱謝以聞臣某誠感誠慶
 頓首頓首再拜謹言

謝禮畢表二道

玉皇

嗣天子臣某 誠感誠慶頓首頓首再拜
 上言伏以靈期昭示真駁格恩錫以天禧述
 茲帝緒欽承寶命冀答於丕休極率精衷用
 伸於明薦至神委鑒美應誕敷景氣融和祺
 祥昭顯紹膺純祉允茂珍圖敢忘夙夜之憂
 勤以答圓清之規施臣無任感幸激切之至
 謹奉表稱謝以聞臣某誠感誠慶頓首頓首
 再拜謹言

又

嗣天子臣某 誠感誠慶頓首頓首再拜

上言伏以聲膺寶命旋降真遊述帝緒之赫
 長示天休之紛屬至神保佑允協於格恩嘉
 薦茲芬敢伸於昭報虔誠洞達美應章明旭
 景流輝殊楨表異載惟源薄克荷監觀勵精
 意而有加答景靈而無捨臣無任感幸激切
 之至謹奉表稱謝以聞臣某誠感誠慶頓首
 頓首再拜謹言

承天節表一道

玉皇

嗣天子臣某 誠感誠慶頓首頓首再拜

上言伏以宵昊降康祖宗流慶賴惟眇德履
 紹丕圖當仲呂之御辰乃猗蘭之協吉隆平
 之緒昭介祉於中區保佑之徽荷錫禧於霄
 極愈恩勵翼用答監觀臣無任知感戰汗激
 切之至謹奉表稱謝以聞臣某誠感誠慶頓
 首頓首再拜謹言

謝迎奉聖像瑞應表一道

玉皇

嗣天子臣某 誠感誠慶頓首頓首再拜
 上言昨以緬瞻福地慕肖像而成功祇遣輔
 臣奉像遊而戒路存承委鑒誕集繁禧屬政
 履於洪川實紛綸於景貺奉安恭館水伸欽
 翼之心錫祐睿圖常佇昭彰之應臣無任感
 幸激切之至謹奉表稱謝以聞臣某誠感誠
 慶頓首頓首再拜謹言

宋真宗御製玉京集卷之三